

دائرة مخصوصه

درسعادتده باب عالی جوارنده

محل اداره :

مشرق و قلم

۱۳۲۶

اخطار :

مسلكنزه موافق آثار جديده مع المنوئيه
قبول او انور

درج ايده بين آثار اعاده او انور

ديگر، فلسفه، علوم، حقوق، ادبيات و سياستنامه و باطامه كرك سياسى و كرك اجتماعى و مدنى احوال و مشوره اسلاميه در تحت ايد و هفته ده بر نشر از انور.

آبونه بدلى

سنه لكى

التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۵	۳۰۵	روبله
سائر ممالك اجنبيه	»	۱۷	۹	فرائق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قبراه دن مقوا بورو ايله كوندريلىرسه سنوى

۲۰ غروش فضله آلير

دردنجى جلد

۵ ربيع الاول ۳۲۸ پنجشنبه ۴ مارت ۳۲۵

عدد : ۸۰

مسلمان آرنوودلر و عربی حرفلری

اسلامی جانبك اقوالندن دكل منابع اصلیه سندن اوكره نلر آنك مافوق الطبیعه اعتقاداتی تلقین ایدن بر مذهب اولدینی اویله علی العمیا ادعا ایدوب کینمز لر ؛ آنحق عقول سلیه ومنوره نك تلقی بالقبول ایده جکی بر قانون حیاتی محتوی بولندیغه و بو حیثیت ممتازه سیله طوائف بنی بشر آراسنده توحید آمال و حسیاته الکنا فذ برواسطه اولدیغه قائلدر لر . توحید قلوب ائمه خادم اولان اسلامیک آلت اصلیه تلقیسی بولنان لسان عربك اشکال حروفی بودیانتك انتشار ایلدیکی هر گوشه ارضه ادخال ایدلش یعنی اسلامیت هر هانکی خطه ارضه واصل اولدی ایسه حروف عربیه دخی اوراده میدان استعمال بولمشر ؛ الحاصل وحدت فیض ایمان هر یرده وحدت اشکال عرفانی انتاج ایلمشر ؛ فرس ایله ترك اسلامی قبولدن صوکره لسان قومیلرنده حروف عربیه بی استعماله باشلامشوردی . اهل هندك بر قسم اعظمی طرفندن مستعمل اولان (اردو) لسان اسلامیانك و افغانیلر طرفندن قوللانیان (پشتو) دینك حروفی هپ عربی حرفلری اولدینی کی ماله ی شبه جزیره سنك و مشرق بعیده بولنان سائر مملکتلرک اهالی مسامحه سی طرفندن سویلانیان لغتلك الفبائی حروف عربیه تشکیل ایلمشر . کذلک جزایرک (قیل) دینلن طوائف غیر عربیه سنك و آفریقانك شرق سواحله ا اکثریسی زنجی عنصرندن اولان اقوامك (سواحلی) دینلن لسانلرنده پک جزئی برفرق محلی ایله حروف عربیه استعمال اولمشر .

آرنوود طائفه سی عددجه طوائف مسلمانه نك همان کافه سندن آز اولمقله برابر آرنوودلرک ماهیت جنسیه لری نظر دفته آلدقده اسلامیتک بین البشر وقوعه کلن فتوحاتنك پک قیمتدار غنائمندن صاییلور لر . آرنوودلری حوزة عثمانیه ادخال ایدن شی جبراترک دکل نفوذ اسلامیت ایدی . مسلمان آرنوودلر صهریت ملیه تأسیس ایلدکاری ترک کر کی حروف عربیه بی لسان قومینك آلت تفهیمی اوله رق قبول ایللمشر لر . بناء علی ذلک آنلره حروف عربیه بی ترک ایتدیرمک عالم اسلامیتله رابطهلرینی قطعنه چالیشمق کی برشی اولور ؛ حال بوکه اسلامیتک صلابت توحیدیه سی دائر سنه کیرمش اولان برخلقی آنک تأثیرات روحانیه سندن تجریدک ممتنع الحصول اولدینی اسلامک اک بویوک معارضلری طرفندن بیله تسلیم ایدلش بر حقیقتدر . ایمدی آرنوودلغه منسوب اولان اخوان امتک حروف عربیه بی ترک ایدوبده آنک یرنده اویله کلیشی کوزل لاتین حرفلری قبول ایللیویره جکلری کی بر احتمال ضعیفدن طولانی نه ترکلرک نه ده سائر مسلمانلرک اندیشه ایلسنه محل یوقدر . دکل آرنوود لساننك حتی ترکجه نك بیله لاتین حرفلریله یازلمسی ترویجه یلتنلر بولنیور . حتی انقلاب سریعک بالطبع انتاج ایلدیکی تذبذب افکاردن استفاده ایدرک کنیدیلرینی صاحب اقتدار اولق اوزره متصل اورتیه آتمغه اوغراشانلر آردسنده بیله لسانمزه لاتین حرفلرینک قبولی ایستیلر

وارددر . فقط قانون تحولك قرناً بعد قرن محکمت متزایده بخش ایلدیکی حالاتی یك قلمده تغیره اوغراشانلر ایچون حاصل اوله جق نتیجه مقهوریتدن عبارت قالور .

اسلامده دین ایله مایت بر اولق اساسی جاری اوله کلمشدر ، تبدیل حروفك و تبدیل ماهیت آناری تولید ایده جکی ، بوا یسه نسل آتی ایچون آثار متقدمه نك متروکتی التزام ایله جکی طبعیدر ، اسلافدن اخلافه واجداددن اولاده توارث ایده کلکله صلابت کسب ایلن و بر هیئت اجتماعیه نك موجودیت سیاسی و ملیه سنك مروج اصلیه اولان حسیات ایشته او آثار متقدمه دن منبشدر . او آثارک متروکتی موجب اوله جق حالات ابداعی او حسیاتک وسائط محاسبه سنی احداث دیمک اولور . بناء علیه بر قوم مسلمک تبدیل حروفی تبدیل ماهیت آنارینی و بناء علیه تغیر حسیاتی وجوده کتوردر . نتیجه سی ایسه دیانت و ملیت اصلیه دن انحراف ایچون یول آچمقددر .

لاتین حروفی حروف عربیه یه ترجیحاً قبول ایلک آرزوسنك نه دن ایلری کلدیکنی صورارسه کز آله جفکز اجوبه عیدمه نك خلاصه سی تسهیل تر قیدن عبارت قالور . بو ذهابده بولنانلر بیلیمور لر ویا بیلیمک ایستیمور لر که اسلامیتک ادوار اولیه اقبالنده عرب حروفی قوللانیان امتلر مترقی و حال بوکه لاتین حرفلری ایله تعلم ایدن قوملر طریق ترقیه آنلردن خیلی کیری ایدیلر . ژاپونیا لیلرک اشکال قرانی حروف عربیه یه قطعاً قیاس قبول ایتیه جک درجه ده مشکل اولدینی معلوم ایکن غربک ال مترقی مملکتلریله همیار اولان ژاپونیا ده الیوم لاتین حرفلری اتخادی مسئله سنی اهمیتله ملاحظه ایدلر بولنیور . چینلر دخی ترقیات جدیده دن کل یوم استفاده ایدوب طور مقده در لر ؛ بلکه یکر می سنه صوکره آنلرده ژاپونیا کی اولور لر . چین حروفاتی دنیانک ال مشکل الفهم اشکال تحریر یه سندن ایکن چینلرک لاتینجه نك اخذینی ترویج ایتدکلری الیوم ایشیدیلور ؛ یالکمز غربک مختلف کلیسارینه منسوب اولان میسیونر لر طرفندن جلب اولنان بر قاق یوز بیک قدر چین دونملر اولاباده کی فکر اخذی ترویج ایتش اولسه لر کر کدر .

عربینک اشکال حروفی بعض لسانلرک کلماتنده کی آهنگ تلفظی صحت اوزره ویرمه که اویریشلی دکل دیور لر ؛ بوراسی مسلم اولمقله برابر دیگر بعض لسانلرده دخی لاتینجه حروفک عین مشکلی احداث ایلدیکی انکار اولنما مقده در . مسلمانلره الزم اولان شی معقول و تدریجی صورتده و ضرورت قطعیه سی عمومیتله ثابت اولدینی اوزره اصلاح حروفدر ؛ تبدیل حروف دکلدر .

یکی حروف اتخادی نسل مستقبل ایچون یکیدن آثار معارف و مأخذ معلومات احداثی ایجاب ایدر . بناء علیه لاتین حرفلریله یازیله جق آثار مستقبله نك ماهیتنده البته حسیات شرقیه اسلامیه ایله مقارنت خاصه سی بولنه ماز . بونک مضرات عظیمه عیدمه سی ایسه هر صاحب اذعان اولان مسلمان آرنوود نزدنده آشکاردر . بوکی

بر تبدیلدن آرنوود اولیان عثمانلیلر ایچون دخی بر تهلکه عظیمه موجوددر؛ شویله که:

آرنوود دینیلن فرد بشر اساساً انکلیزلرک بر قوی و جهله-یونتولامش برالماس کیدر؛ ایمدی یونتولنجه پارلار، یعنی کسب علم و عرفان ایتدکجه نور فیضی آرتار. نته کیم تاریخ عثمانی ده اسملری صحایف مفخرت اشغال ایدن علما، شعرا و فضلائی و زرانک بر خیلینسی فیض کمالیه تمیز ایتمش آرنوودلر تشکیل ایدر. بناء علی ذلک هیئت اجتماعیه مرکز تعالیه سینه ماضی ده بونجه یاردمی طوقمش اولان بر عنصر قیمتدارک بزدن وجها من الوجود تفریقنه سبب اوله جق حالانک دفعنه بوتون قدرت موجوده مزله چالیشملیز.

چرکش شیخی زاده

لوندرد

خلیل خالد

دور عالم

دور عالم منتراسی دیمکه شایانه مجاز مغفرت طرازه عالم و ذایع

مرامه .

ارباب درایت ایچون خفی دکلدرکه :

شریعت غراء عمیده دن اولان مأمورات الهیه و منهیات دینیته کجلاه سی حکمیات عدیده و سیاسیات مدیده یی شامل و جامعدر. شو جلاهدن اوله رق دین مبین اسلامک ارکان خسه سندن بری اولان حج بیتاه الحرام، که هر سینه امت محمد ایام معلومه ده مکّه معظمه ده اجتماع ایدرلر، هیچ شبهه سز بواجتماعه اولان حکمیات لایحیی نلک تعدادی ممکن دکل بو عقول بشرک مافوقنده بر نعمت عظمادر، فقط مع التأسف بزم اهل اسلام هر سینه صورت اجتماع ایتسه لرده، حکمیات معنویه سندن محروم اوله رق کلوب کیتمکه ایدیلر. الحمد لله ثم الحمد لله بوسنه ۱۳۲۷ سنه می- زیارت بیتاه الحرام ایچون من کل فج عمیق ککش حجاج ذوی الابتهاج آراسنده بعض حق شناس حیت مندان ظهور ایده رک، بر قاج دفعه لر خصوصی اجتماع لر ترتیب و تنظیم ایتشلردر. بو اجتماع لرک ابتدائی قزان علماء بنامندن، مکّه مکرمه مجاورین عظامندن الشیخ محمد مراد افندی تکیه سنده، مشاهیر علماء مکّه ن الشیخ الفاضل والاستاذ الکامل السید عبده زاوی تحت ریاستنده تشکیل ایده رک، مجلس ده: عرب، تورک، تاتار، بخاری، هندی، ایرانی، قریملی، جاوه، چین، ژاپون ملت لرندن آدمه لر حاضر بولونه رق؛ ترکی، عربی، فارسی، لسانلرنده نطق لر سولانمشدر. بویله بر مقام مقدس ده، بو کی بر جمعیت مهمه نلک برنجی جلسه سی بزم روسیه لی بر مسلمانک خانه سنده اولدیغندن طولانی آبروجه تشکر و افتخار ایدر سه ک بری واردر.

صوکره بویله جلسه لر توالی ایده رک تعاطی افکارده دوام اولندی، بوسنت حسنه فیابعد هر سینه دوام و ثبات اولتی اوزرده قرار ویرلشدر.

بوسنه مبارکه ده حجاز مغفرت طرازه دیار بعیده دن ککش حجاج کرام کثرته بولمقده ایدی. «خصوصاً مصریلر» خدیو جنابلرینک حجازه کله می مناسبیه پک چوق کیشلردر.

بوسنه خدیوک حجازه کله می افکار عادییه خیلی تأثیر ایتدیکی کی، بعض سیاسیتونه دخی باعث قیل وقال اولمشدر. حتی خدیو معیتنده تأییس غرضه سی مخبری بولنسی ابروجه بر نقطه ملاحظه در. حوادث مزه موسم حجه مکّه مکرمه ده بعض مفسد لر طرفندن اوراق مضره نشر اولنسیغی ده علاوه ایده جک اولور سه ق، مسئله نلک اهمیتی دخی قات قات تجسم ایدر. بوندن ماعدا بعض ارباب بصیرتک تجربه ایتدکنه کوره بوسنه

عموم یمن حجاجی نلک صرف ایتمکه اولدینی یاره لرک انکلیز لیره سندن عبارت اوله می ده شایان دقتدر

بوسنه حجاج ذوی الابتهاجده صحت عمومیه برکال اولوب بشون میناده اوچ کون طرفنده اوچ یوز بیک نفوسدن درت جنازه اولدی، بونلرکده ایکیمی ازل عمره ککش شیخ قانی ایکیمی ده اسکی خسته لفلر ایله مبتلا اولدیلرینی صحیه دائره سندن استخبار ایتدم.

بوسنه دیگر سنه لره نسبتنه ارض حجازده هرشی اوجوز اولدینی ده کورلش، خصوصاً صویک اوجوز اوله می عین زبیده قومسیونی اعضالرینک اهتمام و اعتنالینه دلالت ایتدیکی شبهه سزدر.

ارض حجازده، خصوصاً مکّه مکرمه ده من القیم صوقیلنی معلومدر، بوندن یکریمی بش سنه مقدم عثمان پاشا مرحوم همتیه بروقت لر صوبولاری اعمار اولوب غیر ذی زرع اولان اراضی مقدسه بلاد معموره حاله افراغ اولمش ایسه ده، بو صوک وقت لرده عبدالحمید عون الرقیق کئی ظالم لک سؤ تدبیرلری نتیجه سی اوله رق، بیتاه الحرام تکرار صوقیتلغه دوچار اولمش، بتون اطراف مکّه صوسزلق حکم فرما اولمشدی. لکن الحمد لله ثم الحمد لله بوکره اداره حاضره نلک اهمی سایه سنده مکّه مکرمه سادات کرامندن فاضل جلیل السید عبدالله زواوی جنابلرینک تحت ریاستنده «عین زبیده قومسیونی» نامیه بر قومسیون عالی تشکیل اوله رق صوبولارینک تحت انتظامه آلتدینی مع المنونیه استخبار اولمشدر. بوندن ماعدا قومسیون عالی «اداره معارف قومسیونی» نامیه دخی دیگر بر وظیفه یی درعه ده ایتشدر. معارف قومسیونی ایسه کوچک بر شیدر، فقط معناً و ماداً بیوک بر موفقیت در، زیرا ارض حجازده بوکی شیرلی بوندن بر قاج سنه مقدم تصور ممکن دکل ایدی.

مکّه مکرمه یه اوزاقدن باقلور سه، دین مبین اسلام منبئی اولدینی جهته غایت مهم بر مرکز ظن اولنور، مبارک حج ارکان دین اسلامدن اولدینی جهته هر سینه بر ایکی یوز بیک آدم من کل فج عمیق کلورلر، بوارض مقدسه کلیتی واردات ویرلر، بوراسی مرکز سیاست اسلامیه در، فلاندر، فلاندر، دینور... فقط سابق عثمانلی حکومتی ارض حجازی بتون بتون منسی بر حاکمه ترک ایتشدر، بورای عادتاً مملکت دکلدر، ولایت دکلدر، هیچ برشی دکلدر. (بلکه روسیه نلک قرغیز صحرائنده قویاندی بازاری کی بر بازاردر) دیشلرده بورایه اوافاجق بر ولایت قدرده اهمیت ویرماملر. بالمکس بوراده: (امارت)، (ولایت) ناملریله ایکی توری اداره محکمه سی آچیشلرده، بونلره خارجدن کله جک حاجیلری استه دکلری قدر صویق ایله امر ایتشلر؛ امیر مکّه شریف بر طرفندن، والی مکّه دیگر طرفندن سنه بینه حاجی ورودینه منتظر اولوب یالکیز هر طرفندن کانی حاجی لره سینساراق ایله وقت کچیرملر، بتون ایشلری کوچلری حاجی یغماسی اولمش؛ حاجی لرک قارا سفرنده بدوی لر ایله، دکن سفرنده واپورجیلر ایله اشتراک ایتشلرده. دوه اجرتنک نصفی والی ایله شریف آلمش، ایشته شو ایکی حکومتک بومملکت ده کوردکلری خدمت بوندن عبارت ایش، بوباره لرده آلتون اولوق واسطه سیله عبدالحمید قاصه سینه واورادنده اجنبی بانقه لرینه آقارمش. داخلده بو حال کورنلر (لاحول ولا قوه الا بالله) دیشلر، استنبول ایسه بورایه هپ (انالله وانا الیه راجعون) کوزی ایله باقش، باشقه هیچ برشی یوقش، نه ولایت اداره مجلسلری وار، ونه ده بلدییه اداره سی، نه معارف، نه مکتب، نه مدرسه هیچ بر شیرلر یوق، یوق اوغلی یوقش.

شیمیدی عثمانلی اداره جدیده می بورایه اهتمام ایتک فکرنده در، مقتدر والیلر کوندرمش، مکمل ولایت محکمه لری تنسیق اولنه جق، ولایات سائرده اولدینی کی والی وظیفه سی، شریف وظیفه سیده تعیین اولنه جق. فقط شیمیدی مکّه مکرمه بر قاج یوز سنه نلک بر خرابه انقاض، عبدالحمیدک اوتوز سنه دن بری بیقمقده اولدینی بر ویرانه بقیه سی اولدیغندن، والی و شریف نه قدر کوزل و مستعد آدمه لر اولسه بیله ینه آز بر مدت ایچنده اصلاحی امکان خارجنده در. معافیه ظاهر حاله نظر اولنور سه، اصلاح قاپولری آچلمش، صلاحه یول طوئلشدر. انشاء الله امید اولنور که: عن قریب ارض حجازده بر مملکت معموره